


p.1 line 2【集記】集聖僧指授記之筆點。請見本書 p.133:5

p.1 line 3【玄義分】『玄義』，在解釋經論本文之前，先闡明一部經論所詮之幽旨義旨。於經題之下論述一經之深義者，即稱『玄義分』。如唐代善導之觀無量壽經疏四卷中，即有一卷為玄義分。該書為觀無量壽經之註釋書，內容分為玄義分、序分義、定善義、散善義等各一卷。玄義分，乃總說觀無量壽經之要義，兼破諸家之謬解；後三分始就經之文句，一一解釋。其中，玄義分首先於卷首揭示發願歸三寶偈，次分序題、釋名等七門玄義，以論釋觀無量壽經之旨義。～《佛光大辭典》

p.1 line 5~p.2 line 4 十四行偈



p.1 line 4【三寶】佛、法、僧。何故名寶？《大乘義章》卷 10：「此之三種何故名寶。世間瓊瑤人之所珍。此之三種世所尊重如世珍奇。是故就喻說之為寶。《寶性論》中釋有六義，喻之如寶：一希有義。如世寶物貧窮之人所不能得。三寶如是。薄福眾生有千萬世不能值遇。故名為寶。二離垢義。如世真寶體無瑕穢。三寶如是。絕離諸漏。故名為寶。三勢力義。如世珍寶除貧去毒有大勢力。三寶如是。具不可思議六神通力。故說為寶。四莊嚴義。如世珍寶能嚴身首令身殊好。三寶如是。能嚴行人清淨法身。故說為寶。五最勝義。如世寶璧諸物中勝。三寶如是。一切世中最高為殊勝。故名為寶。六不改義。如世真金燒打磨等不能變改。三寶如是。不為世間八法所改。故名為寶。」(T44, p. 654, b5-19)

p.1 line 6【四流】一見流，三界之見惑也。二欲流，欲界之一切諸惑也，但除見及無明。三有流，上二界之一切諸惑也，但除見及無明。有者生死果報不亡之義，三界雖通，而今別以名上三界。四無明流，三界之無明也。四流總攝一切見思諸惑，有情為此四法漂流而不息，故名為流。～《佛學大辭典》

p.1 line 7【**法性真如海**】所歸佛三身中之法身。何故不舉法寶？《傳通記》：「答：歸三寶中文有具缺。香象起信論疏云。或有具敬三寶，如智論攝論等。或有唯歸佛寶，如地持論。或單歸人法，如十地論。或直說無歸，如十二門論…故總標三寶，舉於佛僧，法寶自彰。故偈文中不具舉之。何者？法寶是佛之所說、所證，僧之所受、所學；是故舉能彰所，舉人顯法。…舉於佛僧亦顯法寶。或又準此解。亦敬法寶；法性真如，兼敬法故。」香象（法藏）

p.1 line 8【**莊嚴及變化**】菩薩中相好具足名為莊嚴。隨類化現名曰變化。

p.1 line 9【**時劫滿未滿**】地持論：從種姓至初地是初僧祇。初地至八地是第二僧祇。八地已上是第三僧祇也。滿未滿者。三祇各有滿與未滿。究竟而論。三賢九地是未滿位。第十地是滿位。此約因滿。若約果滿。十地已還是未滿位。佛地唯滿。【**智行圓未圓**】舉所行六度。第六是智。前五名行。【**正使盡未盡。習氣亡未亡**】正使是驅使眾生令流轉三有之義。言其體相者…泛論煩惱有四種。一者四住根本。二者四住習氣。三者無明根本。四者無明習氣。若就二乘。始之一種是正使。後之三種皆是二乘法習。若就菩薩。初三是正使。後一是習氣。～《傳通記》

p.1 line -5【**功用無功用。證智未證智**】初地斷除人法二執。證二空理。故地上名證智。地前名未證。佛地論意云。七地已前名功用。八地已上無功用。～《傳通記》

p.1 line -4【**正受金剛心，相應一念後，果德涅槃者**】「金剛心、一念相應慧」一金剛喻定，無礙道、無間道。其體堅固，其用銳利，可摧毀一切煩惱，故以能破碎諸物之金剛比喻之。此乃三乘學人之末後心，亦即小乘聲聞或大乘菩薩於修行即將完成之階段，欲斷除最後煩惱所起之定；生起此定可斷除極微細之煩惱而各得其極果，於聲聞之最高悟境可達阿羅漢果，於菩薩則得佛果。一般稱斷煩惱之階位為「無間道」，而由此證得真理之階位稱為「解脫道」，遂以起金剛喻定相當於無間道，由此得阿羅漢果或佛果亦相當於解脫道，故能起金剛喻定之無間道，亦稱為金剛無間道。「後果德涅槃」，果德者，即是菩提。言涅槃者，即涅槃也。斯乃轉煩惱為菩提，轉生死為涅槃。『後』者，對無礙道，用解脫道以名後也。

p.1 line -4【**三佛菩提**】一者法身菩提。二者報身菩提。三者化身菩提。

p.1 line -2【**學佛大悲心**】一解：三乘各學發佛大悲心。二解：佛由大悲心，說諦緣度法，三乘各學隨緣之法，出離生死。～《傳通記》

p.1 line -1【**遺迹**】今文本意指淨土經。故次下云。彌陀本誓願等（云云）。

p.2 line 1【**彌陀本誓願。極樂之要門**】上句指壽經。下句指觀經。

p.2 line 2【**頓教一乘**】指淨土法門。以其速疾成佛，故稱頓教；又以一切眾生悉得乘此而成佛，故稱一乘。～《佛光大辭典》

p.2～p.3 「先標序題」簡科：

- | | |
|--|--|
| <ul style="list-style-type: none"> 一、佛出世間之原由。 二、出世利生之相 | <ul style="list-style-type: none"> (1) 略明出世利生之相。 (2) 說法攝生。 |
| | |
| <ul style="list-style-type: none"> (一) 總明一代說法利生之相 (二) 別明淨土興致觀經教起 | <ul style="list-style-type: none"> (1) 重障機不堪聖道。 |
| | <ul style="list-style-type: none"> (2) 淨土教興相。 |
| | <ul style="list-style-type: none"> (3) 歎佛意可仰信果海利益。 |

p.2 line -7【**真如之體量，量性不出蠢蠢之心。法性無邊，邊體則元來不動。**】此明真理遍萬法也。…言體量者，隨緣真如；言量性者，不變真如。無邊、邊體如次亦爾。…體謂理體，量謂事相；體家之量則隨緣真如。量謂事相，性謂理性；量家之性則不變真如。無謂性空，邊謂事法；無家之邊則隨緣法性。邊謂事法，體謂理體；邊家之體則不變法性。…此之二如、二性，本在眾生妄心；真妄交徹，故云不出。妄心無體，即是真心，故云不動。此乃迷性是不變，迷用是隨緣；覺體是不變，淨用是隨緣；故起信論云：如大海水，因風波動，水相風相不相捨離；而水非動性，若風止滅，動相則滅；濕性不壞故。如是眾生自性清淨心，因無明風動；心與無明俱無形相，不相捨離；而心非動性，若無明滅，相續則滅，智性不壞故。～《傳通記》

p.2 line -7【**無塵法界**】一真法界。《起信論》卷1云：「三界虛偽，唯心所作，離心則無六塵境界。此義云何？以一切法皆從心起，妄念而生，…當知世間一切境界，皆依眾生無明妄心而得住持，是故一切法，如鏡中像，無體可得，唯心虛妄。」(T32,p.577,b16-22)

p. 2 line -7【兩垢如如】有垢真如與無垢真如。(一)真如之體，雖覆於煩惱，然其本來清淨，如泥中之蓮，不染於污，此為有垢真如，又稱自性真如，亦即在纏真如。(二)佛果所顯之理體，清淨而不覆於惑，如望月之清淨圓滿，此為無垢真如，又稱清淨真如，亦即出纏真如。〔攝大乘論卷五(真諦)〕～《佛光大辭典》

p. 2 line -6【大悲隱於西化。驚入火宅之門】《傳通記》：「上句取涅槃意。下句取法華意。斯乃探二經意。釋佛出世利生相也。」《大般涅槃經》卷 24〈10 光明遍照高貴德王菩薩品〉：「西方去此娑婆世界度三十二恒河沙等諸佛國土。彼有世界名曰無勝。彼土何故名曰無勝。其土所有嚴麗之事。皆悉平等無有差別。猶如西方安樂世界。亦如東方滿月世界。我於彼土出現於世。為化眾生故。於此界閻浮提中現轉法輪。非但我身獨於此中現轉法輪。一切諸佛亦於此中而轉法輪。」(T12,p.508,25-p.509,a3)《妙法蓮華經》卷 2〈3 譬喻品〉：「是時宅主，在門外立，聞有人言：『汝諸子等，先因遊戲，來入此宅，稚小無知，歡娛樂著。』長者聞已，驚入火宅，方宜救濟，令無燒害。」(T09,p.14, b5-9)

p. 3 line 2【要門】謂定散行以為內因，佛本願力以為外緣，因緣和合皆得往生；此乃行者造往生因，佛願與力接引故也。～《傳通記》

p. 3 line 4【大願業力】《觀經玄義分傳通記》卷第三：「四十八願名為大願。兆載永劫，六度萬行名為大業。正覺利益眾生名為大力。」【增上緣】起法勝用，故曰增上。為法緣故，名增上緣。凡夫往生淨土，加佛願力，名增上緣。是強中強，故今家云，正由托佛願以作強緣，致使五乘齊入。

p. 3 line 5【信外輕毛】《觀經玄義分傳通記》卷第三：「十信以外凡夫。此是今家自謙之言。仁王經說十信位云。譬如輕毛。隨風東西。法華疏云。六心已前。輕毛菩薩。信根未立。其位猶退。此等諸文。十信外凡名為輕毛。故知應言十信外凡。」

p. 3 line -3【出過三位】超過凡夫、二乘、菩薩。

p. 4 line 2【人法並彰】《觀經玄義分傳通記》卷第三：「無量壽者雖是佛號，而召顯佛所具功德，故配屬法。覺者知者，是能覺了，故屬人也。」

p.3 line -1【南無】巴利語 namo。又作南牟、那謨、南謨、那摩、曩莫、納莫等。意譯作敬禮、歸敬、歸依、歸命、信從。原為「禮拜」之意，但多使用於禮敬之對象，表歸依信順，含救我、度我、屈膝之意。～《佛光大辭典》「南無」一詞係自梵、巴語譯出，因此其中之「無」字，應依古音讀為「ㄇㄨˇ」，始符「mo」之讀音。不可讀為北京音之「ㄨˇ」。～《中華佛教百科全書》

p.4 line 2【人法是所觀之境】《觀無量壽佛經疏》卷1：「所言佛說觀無量壽佛者。佛是所觀勝境。舉正報以收依果。述化主以包徒眾。觀雖十六。言佛便周。故云佛說觀無量壽佛。」(T37,p.186,c13-16)《觀無量壽佛經疏妙宗鈔》卷1：「云觀雖十六言佛便周。故入正文以圓三觀釋乎能觀。以妙三身釋所觀佛。佛既總攝。餘十五境。豈不一一皆是圓妙三諦三觀。」(T37,p.198,b4-7)

p.4 line 3【二報】〔出華嚴經疏〕〔一、依報〕，依報亦名依果，即世界國土也。謂諸眾生各各隨其果報之身，依之而住，故名依報。〔二、正報〕，正報亦名正果，即五陰之身也。謂諸眾生隨其所作善惡之業，各各感得此身，正受其報，故名正報。～《三藏法數》

p.4 line 6&-5【真實無漏】《大乘理趣六波羅蜜多經》卷1〈1 歸依三寶品〉：「佛報身者，謂諸如來三無數劫，修集無量福慧資糧，所起無邊真實功德，常住不變，諸根相好，智慧光明周遍法界，皆從出世無漏善根之所生故，不可思議超過世智，純熟有情，為現茲相，演無盡法，廣利無邊。」(T08,p.866,c23-28)

p.4~p.5【真假通別】別：別屬彌陀佛。通：二大士及往生聖眾。假：此界中相似可見境相、假立真像。依報一別：7 華座觀。通：前 6 觀。正報一別：8、9 兩觀。通：10-13 觀（或非是指經文，而是泛指觀音等聖眾，因普、雜二觀並有通別故。）

p.5 line 4【淨信心手】《大智度論》卷1〈1 序品〉：「經中說：「信如手，如人有手，入寶山中，自在取寶；有信亦如是，入佛法無漏根、力、覺、道、禪定寶山中，自在所取。無信如無手，無手人入寶山中，則不能有所取。無信亦如是，入佛法寶山，都無所得。」」(T25,p.63,a7-12)

p.5 line 4【疋】音ㄉ一ˇ。量詞，用於紡織品。《前漢·食貨志》布帛廣

二尺二寸為幅，長四丈為匹。《廣韻》：俗作『疋』。

p.5 line 7【**兩會**】請見本書 p.21 line -7

p.5 line -6【**不思議解脫**】慧遠《維摩義記》卷1：「今言維摩詰所說經。一名不可思議解脫者。蓋乃樹經部別名也。諸經所以皆首題其名者。為示所明法。此經以不思議解脫為宗。故始標舉。」(T38,p.421,b29-c3)吉藏《維摩經義疏》卷1：「不思議解脫名。略有三義：一者不二法門。蓋是實相之理。心行既斷。意不能思。言語亦滅。即口不能議。名不思議。既慮絕言忘。即繫縛斯淨。名為解脫。十四章經。正為聞於不二。故知不二是不思議解脫之本。二者。由體不二之理。故有無二之智。由無二之智。故能適化無方。既道貫雙流。即心無功用。故能不思而現形。不議而演教。名不思議。縱任無礙。不為功用所拘。稱為解脫。三者。內有權實之本。示形言之迹。並非下位菩薩二乘凡夫所能測量。名不思議。於內外自在解脫於礙。稱為解脫。不思議體。但有理。智與教。依體立名。亦唯此三矣。」(T38,p.915,c26-p.916,a12)

p.5 line -6【**空慧**】《觀經玄義分傳通記》卷第四：「般若經說。盡淨虛融。所謂始從凡夫色心。終至如來種智。皆悉畢竟空之義也。」「畢竟空」，一切有為法與無為法，畢竟為空，名為畢竟空。智度論三十一曰：「畢竟空者，以有為空、無為空破諸法無有遺餘，是名畢竟空。」仁王經良貴疏中一曰：「畢竟空者，謂諸法究竟不可得。」～《佛學大辭典》

p.5 line -5【**一經兩宗**】《觀經玄義分傳通記》卷第四：「今經初十三觀是答請說。後三輩是佛自說。故答請文中立觀佛宗。自說文中立念佛宗。」「言觀佛者。攝心而觀佛身色相。言念佛者。出聲而稱彼佛名。故觀念門分為二行。」「凡諸經論中念佛者皆通觀稱。智度論等。其義炳然。然今家別立兩三昧名者。為令差別助正二業。限口稱號念佛三昧。限相好觀名為觀佛。此乃念佛三昧正業。觀佛三昧助業故也。」「問：兩三昧行。為是始終俱差別否？答：始別終同。言始別者。口稱觀念。行相異故。言終同者。行成之時心眼即開。同見佛故。」

p.5 line -5【**往生淨土為體**】《觀經玄義分傳通記》卷第四：「一心迴願往生淨土為體者，一心是安心，迴願是第八門，對上兩宗，以往生為體。兩宗是因，體即是果，果即是趣，是故不同。」